

## **Ha'u-nia respeitus ba:**

Sua Exelénsia, Doutora Odete Maria Freitas Belo, Ministra Saúde

Doutora Odete da Silva Viegas, Diretora Jerál Prestasaun Servisu Saúde

Señora Domingas Pereira, Diretora Ezekutiva Institutu Nasionál Saúde

Diretores, Xefes Departamentus, no funsionáriu-sira husi Ministériu Saúde no Institutu Nasionál Saúde

Administradór Munisípiu Covalima, Señor Afonso Nogueira Nahak

Diretór Prestasaun Saúde Munisípiu Covalima, Filipe Pereira Lemos

Reprezentantes no ofisiál-sira husi ONU nia Ajénsia-sira

ONGs Nasionál no Internasionál, maluk no kolega-sira hotu,

Bondia ba ita-boot sira hotu no bemvindu mai iha **Konferénsia** kona-ba **Fim husi Atividade** USAID nia **Reforsa Servisu Saúde Báziku**. Onra ida bele mai iha ne'e ho líder saúde-sira husi Ministériu Saúde, Institutu Nasionál Saúde, sentru saúde komunitária-sira no instituisaun-sira seluk. Ha'u hakarak pesoalmente kongratula ita-boot sira hotu ba ita-boot sira-nia resposta hasoru pandemia globál COVID-19.

Iha mundu tomak Estados Unidos serbisu ho nasaun parseiru-sira hodi expande forsa-traballu importante iha setór saúde, investe iha infraestruturas no apoiu lojístiku nesesáriu, no mellora prosesu fotidesizaun relasiona ho jestaun no orsamentu atu nune'e bele responde ba comunidade nia nesesidade-sira.

Ha'u-nia antesora, Embaixadora Estados Unidos Karen Stanton lansa ona atividade husi USAID nia **Reforsa Servisu Saúde Báziku** iha tinan **rihun rua sanulu resin neen** ho antiga **Vise Ministra Saúde** Doutora Ana Isabel F. S. Soares.

Iha **tinan lima** hirak ikus ne'e, atividade ne'e apoia ona Ministériu Saúde nia esforsu-sira hodi mellora qualidade prestasaun servisu saúde iha Munisípiu Covalima no apoia Institutu Nasionál Saúde nia esforsu-sira hodi fó formasaun ba sira-nia pesoál saúde-sira.

Parseria husi **USAID nia Reforsa** ho Ministériu Saúde kria ona servisu saúde hirak ne'ebé asesível, seguru, no ho qualidade-aas. Iha Covalima, USAID halo parseria ho autoridades lokál no rejionál, no komunidadeseira hodi hasae utilizaun servisu saúde hirak ne'ebé hamenus moras no mortalidade ba inan no labarik.

USAID halo ona parseria ho Institutu Nasionál Saúde hodi atualiza matérias formasaun no estabelese fatin hirak iha ne'ebé profisionál saúde foun-sira bele aprende sai competente liután iha kompeténsia klínika nian.

**Reforsa** nia atividade halo mós INS bele desenvolve grupu formadór foun-sira ne'ebé bele fó formasaun ba profisionál saúde-sira iha nasaun laran ho fiar-an.

Resentemente, bainhira COVID-19 espalla iha mundu tomak, USAID adapta lalais kedas programa **Reforsa Servisu Saúde Báziku** hodi inklui mensajen importante kona-ba COVID-19, envolvimentu komunidadeseira nian, no formasaun ba prestadór saúde.

Ohin ita iha fatin ne'e hodi selebra parseria no programa ida-ne'e nia susesu. Ita espera ba oin aprende barak liután kona-ba parseria ne'e nia rezultadus liuhusi apresentasaun no vídeo iha loron ida-ne'e.

Governu Estados Unidos nia objetivu iha setór saúde maka ajuda kria sistema saúde ida ne'ebé **reziliente** no **auto-suficiente**.

Sistema saúde ida reziliente no auto-suficiente maka sistema saúde ida ne'ebé administra ho di'ak, funsiona ho responsabilidade, ho eficiente,

no ho efetivu. Sistema saúde ida ne'ebé responsivu ba públiku nia nesesidade saúde no bele adapta bainhira nesesáriu – tantu iha pandemia, dezastre naturál, ka krize-sira seluk – sein ariska interupsaun ba servisu saúde esensiál-sira no evita lakon hikas susesu frájil-sira. Asisténsia ida-ne'e sei ajuda governu Timor-Leste hodi halao Timor-Leste nia jornada ba auto-reziliénsia.

Atividade ida-ne'e, Estados Unidos nia kontribuisaun **dólar amerikanu miliaun hitunulu** ba Timor-Leste nia setór saúde dezde tinan **rihun rua-rua** no kontribuisaun **dólar amerikanu miliaun tolu pontu tolu** hodi ajuda Timor-Leste prevene propagasaun COVID-19, hatudu katak Estados Unidos América mantein-firme ho Timor-Leste iha tempu di'ak no tempu susar nia laran.

Ami espera ba oin kontinua parseria ida-ne'e, dezenvolve sistema saúde ida ne'ebé resiliente no auto-suficiente liután no aprende oinsá ami bele fó apoiu ho di'ak liután ba Timor-Leste.

Obrigada